



Broj: 02/1-18-26034-1/25
Tuzla, 03.10. 2025. godine

Na osnovu člana 6. stav (2) Odluke o utvrđivanju uslova i kriterija, načinu i postupku raspodjele novčanih sredstava za subvencije privatnim preduzećima i poduzetnicima u oblasti turizma i ugostiteljstva – podrška pokretanju vlastitog biznisa u turizmu za 2025.godinu broj 02/1-18-26034/25 od 16.09.2025. godine, Ministar trgovine, turizma i saobraćaja Tuzlanskog kantona raspisuje

JAVNI POZIV
za raspodjelu novčanih sredstava za subvencije privatnim preduzećima i
poduzetnicima u oblasti turizma i ugostiteljstva – podrška pokretanju vlastitog
biznisa u turizmu za 2025. godinu

1. PREDMET POZIVA

Predmet Javnog poziva je prikupljanje prijava za dodjelu finansijskih sredstava definisanih budžetom Tuzlanskog kantona za 2025.godinu („Službene novine Tuzlanskog kantona“, br. 18/24 i 7/25) sa ekonomskog koda 614500, subanalitika MAD 503, funkcija 0473 – pomoć privrednim subjektima u oblasti turizma i ugostiteljstva, subvencije privatnim preduzećima i poduzetnicima za projekte u oblasti turizma i ugostiteljstva u iznosu od 100.000,00 KM (slovima: stotiljada konvertibilnih maraka), potrošačka jedinica 22010001 Ministarstvo trgovine, turizma i saobraćaja Tuzlanskog kantona (u daljnjem tekstu: Ministarstvo).

Odlukom o utvrđivanju uslova i kriterija, načinu i postupku raspodjele novčanih sredstava za subvencije privatnim preduzećima i poduzetnicima u oblasti turizma i ugostiteljstva – podrška pokretanju vlastitog biznisa u turizmu za 2025.godinu, broj 02/1-18-26034/25 od 16.09.2025. godine (u daljnjem tekstu: Odluka), definisan je postupak dodjele bespovratnih finansijskih sredstava iz Budžeta Tuzlanskog kantona. Odluka je donesena u skladu sa strateškim ciljevima i prioritetima naznačenim u Strategiji razvoja turizma na području Tuzlanskog kantona za period 2024. – 2029. godina.

Sredstva se raspoređuju u skladu sa članom 76. Zakona o izvršenju Budžeta Tuzlanskog kantona za 2025. godinu i planiranim sredstvima u Budžetu Tuzlanskog kantona za 2025. godinu.

2. SVRHA DODJELE SREDSTAVA

Javnim pozivom će se bespovratna sredstva dodijeliti obrtnicima/samostalnim privrednicima, malim i srednjim preduzećima, za subvencioniranje neto plaće ili dijela neto plaća jednog zaposlenog u privrednom subjektu koji je osnovan u djelatnosti turizma i ugostiteljstva maksimalno 12 mjeseci prije dana objave javnog poziva, u cilju podrške opstanku i razvoju novosnovanih obrta i malih i srednjih preduzeća, razvoja turističke djelatnosti i jačanja konkurentnosti turističko-ugostiteljske ponude Tuzlanskog kantona.

3. PRAVO UČEŠĆA

Bespovratna sredstva se dodjeljuju korisnicima iz člana 2. Odluke koji su registrovani za obavljanje osnovne djelatnosti, prema klasifikaciji djelatnosti KD BiH 2010 („Službeni glasnik Bosne i Hercegovine“ broj:47/10) u okviru:

Područje I DJELATNOSTI PRUŽANJA SMJEŠTAJA TE PRIPREME I USLUŽIVANJA HRANE (HOTELJERSTVO I UGOSTITELJSTVO)

55			Smještaj
	55.1		Hoteli i sličan smještaj
		55.10	Hoteli i sličan smještaj
	55.2		Odmarališta i slični objekti za kraći odmor
		55.20	Odmarališta i slični objekti za kraći odmor
	55.3		Kampovi i prostori za kampiranje
		55.30	Kampovi i prostori za kampiranje
	55.9		Ostali smještaj
		55.90	Ostali smještaj
56			Djelatnosti pripreme i usluživanja hrane i pića
	56.1		Djelatnosti restorana i ostalih objekata za pripremu i usluživanje hrane
		56.10	Djelatnosti restorana i ostalih objekata za pripremu i usluživanje hrane
	56.2		Djelatnosti keteringa i ostale djelatnosti pripreme i usluživanja hrane
		56.21	Djelatnosti keteringa
		56.29	Ostale djelatnosti pripreme i usluživanja hrane
	56.3		Djelatnosti pripreme i usluživanja pića
		56.30	Djelatnost pripreme i usluživanja pića

(1) Pravo na dodjelu poticajnih sredstava imaju aplikanti koji ispunjavaju sljedeće uslove:

- 1) da imaju registrovano sjedište i poslovni objekat na području Tuzlanskog kantona,
- 2) da su registrirani maksimalno 12 mjeseci prije dana objave javnog poziva,
- 3) da imaju najmanje 1 (jednog) zaposlenog na neodređeno vrijeme,
- 4) da imaju izmirene porezne obaveze (po osnovu direktnih i indirektnih poreza) i obaveze za penziono i zdravstveno osiguranje u skladu sa zakonskim odredbama,

(2) Nisu prihvatljive aplikacije poslovnih subjekata koji su registrovani kao radnje “za privremeni rad”, “za sezonski rad”, iznajmljivači, kao i dopunske ili dodatne djelatnosti.

(3) Obrtnici/samostalni privrednici i mala i srednja preduzeća koji su po istom osnovu koristili subvencije iz drugog izvora bez obzira na nivo vlasti nemaju pravo prijave na Javni poziv.

4. PODNOŠENJE PRIJAVE

Prijavu podnose korisnici koji ispunjavaju prethodno navedene kriterije za pravo učešća.

- (1) Uz prijavni obrazac na Javni poziv, čija forma će biti propisana uz Javni poziv, podnosilac prijave dostavlja:
 - a) Rješenje o registraciji poslovnog subjekta, u stopostotnom vlasništvu podnosioca prijave, izdato od strane nadležnog organa – ovjerena fotokopija;
 - b) Rješenje o utvrđivanju minimalnih uslova za objekat – ovjerena fotokopija;
 - c) Uvjerjenje o registraciji poreznog obveznika izdato od strane Porezne uprave Federacije BiH – ovjerena fotokopija;
 - d) Obavještenje o razvrstavanju poslovnog subjekta prema klasifikaciji djelatnosti, izdato od strane Federalnog zavoda za statistiku – ovjerena fotokopija;
 - e) Izjavu o korištenim podrškama male vrijednosti;
 - f) Ugovor o transakcijskom računu, zaključen između poslovne banke i poslovnog subjekta – ovjerena fotokopija;
 - g) Obrazac JS 3100 (prijava osiguranja zaposlenog u poslovnom subjektu na koga se odnosi subvencija neto plaće i doprinosa), izdato od Porezne uprave – ovjerena fotokopija;
 - h) Ugovor o radu za zaposlenika (za vlasnika i/ili osnivača nije potrebno) – fotokopija;
 - i) Platne liste za period za koji se aplicira za subvenciju – fotokopija;
 - j) Bankovni izvodi kao dokaz odliva sredstava po osnovu isplaćenih plaća za lica za koja se traži subvencioniranje neto plaća – fotokopija;
 - k) Izjave potpisane od strane podnosioca prijave, koje će biti sastavni dio Javnog poziva.
- (2) Javnim pozivom može se propisati obaveza dostavljanja i druge dokumentacije ili podataka.
- (3) Prijave će biti odbačene kao nepotpune i neće biti predmet daljeg razmatranja ako ne sadrže kompletnu dokumentaciju koja se traži Javnim pozivom.
- (4) Neblagovremene prijave neće se uzeti u razmatranje.

NAPOMENA: Dokumentacija mora biti original ili ovjerena kopija od strane nadležnog organa koja ne može biti starija od 60 dana, (ukoliko nije posebno naglašeno drugačije). Dokumentacija treba biti složena prema gore navedenom redosljedu (1-12), isključivo u čvrsto uvezanom obliku, pri čemu svaka stranica mora biti numerisana rednim brojem. Na posljednjoj stranici prijave mora biti naznačen ukupan broj stranica i potpis odgovornog lica aplikanta. Prijave koje nisu uvezane i numerisane neće se uzeti u razmatranje i biće evidentirane kao neuredne.

5. SREDSTAVA ZA DODJELU

Ukupno raspoloživa finansijska sredstva, za provođenje ovog Javnog poziva, iznose 100.000,00 KM (slovima: stohiljada konvertibilnih maraka)

- (1) Sredstva iz člana 1. Odluke su namijenjena za subvencioniranje neto plaće ili dijela neto plaća za jednog zaposlenika privrednog subjekta za svaki mjesec od njegovog osnivanja zaključno sa mjesecom koji prethodi mjesecu objavljivanja Javnog poziva.
- (2) Bespovratna sredstva će se dodijeliti aplikantima čija prijava bude ispunila tražene kriterije i osvojila potreban broj bodova.
- (3) Maksimalan iznos sredstava po jednom korisniku koji se može dodijeliti iznosi 12.000,00 KM (slovima: dvanaest hiljada konvertibilnih maraka).

6. IZBOR KORISNIKA I PRAVNA ZAŠTITA

- (1) Za obradu prijava po Javnom pozivu i odabir korisnika sredstava podrške za pokretanje vlastitog biznisa u turizmu za 2025. godinu ministar rješenjem imenuje Komisiju.
- (2) Komisija ima zadatak da, u skladu sa kriterijama i procedurama utvrđenim Javnim pozivom, koji proizilazi iz Odluke, izvrši pregled dokumentacije i bodovanje, sačini preliminarnu rang listu korisnika sredstava i listu podnosilaca prijava čije su prijave neblagovremene, nepotpune i neosnovane, te iste objavi na web stranici Ministarstva i Vlade Kantona.
- (3) Na objavljene liste podnosioci prijava imaju pravo prigovora koji se podnosi ministru u pisanoj formi, u roku od 5 (pet) dana od dana objavljivanja listi na web stranici Ministarstva i Vlade Kantona.
- (4) Nakon rješavanja po podnesenim prigovorima u roku od 5 (pet) dana od dana isteka roka za podnošenje prigovora, ministar donosi odluku o utvrđivanju konačne rang liste korisnika sredstava sa iznosima odobrenih poticajnih sredstava, i ista se objavljuje na web stranici Ministarstva i Vlade Kantona.
- (5) U skladu sa odlukom iz stava (4), sa odabranim korisnicima se u roku od 15 (petnaest) dana od objavljivanja konačne liste, zaključuje ugovor kojim će se definisati međusobna prava, obaveze, odgovornosti i rokovi realizacije projekta.

7. KRITERIJI ZA OCJENJIVANJE PRIJAVA

(1) Kriteriji za izbor korisnika su:

- a) Vrsta oblasti – grana u okviru djelatnosti u kojoj je aplikant registrovan.
- b) Kategorija zaposlenih (muškarci, žene, mladi do 35 godina, osobe s invaliditetom),
- c) Poslovanje subjekata male privrede u jedinicama lokalne samouprave razvrstane prema indeksu razvijenosti.

Red. br.	Kriterij	Uslovi	Broj bodova	Izvor verifikacije koji je obavezujući za podnosioca prijave
I	Oblast – Grana u okviru djelatnosti	55.2 Odmarališta i slični objekti za kraći odmor	10	Obavještenje o razvrstavanju poslovnog subjekta prema klasifikaciji djelatnosti, izdato od strane Federalnog zavoda za statistiku
		55.3 Kampovi i prostori za kampiranje	9	
		55.9 Ostali smještaj	8	
		55.1 Hoteli i sličan smještaj	7	
		56.1 Djelatnost restorana i ostalih objekata za pripremu i usluživanje hrane	6	
		56.2 Djelatnost keteringa i ostale djelatnosti pripreme i usluživanja hrane	5	
		56.3 Djelatnosti pripreme i usluživanja pića	4	

2	Spol/Pol	Muškarci	4	Prijavni obrazac, JS3100
		Žene	5	
3	Kategorija zaposlenih za koji se podnosi prijava za subvencioniranje plaća i doprinosa.	Mladi do 35 godina	4	Prijavni obrazac, dokaz o invalidnosti, JS 3100
		Osobe sa invaliditetom	5	
4	Poslovanje subjekata male privrede u jedinicama lokalne samouprave razvrstane prema indeksu razvijenosti.	Izrazito nerazvijene JLS	10	Uredba o izradi indeksa razvijenosti u FBiH
		Nerazvijene JLS	8	
		Razvijene JLS	6	

- (2) Pravo na subvenciju ostvaruju aplikanti koji imaju minimalno 18 bodova.
- (3) Ukoliko raspoloživa sredstva iz člana 1. Odluke budu dostatna u odnosu na zahtijevana sredstva aplikanata, aplikantima koji zadovoljavaju kriterije iz stava (1) i (2) ovog člana, bit će odobrena sredstva u visini traženih sredstava navedenih u prijavnom obrascu, a koja ne mogu prelaziti maksimalni iznos sredstava iz člana 5 Odluke.
- (4) Ukoliko raspoloživa sredstva iz člana 1. Odluke ne budu dostatna u odnosu na zahtijevana sredstva aplikanata, aplikantima će se odobravati sredstva srazmjerno ostvarenom broju bodova u odnosu na ukupan broj bodova predviđenih za kriterije iz stava (1) ovog člana.
- (5) Ukoliko nakon dodjele sredstava korisnicima koji su zadovoljili kriterije iz stave (1) i (2) ovog člana dio sredstava ostane neraspoređen, Ministarstvo će Vladi Kantona predložiti donošenje nove odluke o utrošku sredstava za iste ili slične namjene, ili preraspodjelu sredstava.
- (6) Sve sumnje na zloupotrebu odobrenih bespovratnih sredstava će biti istražene i potrebi sankcionisane u skladu sa zakonom.

8. ROK ZA DOSTAVLJANJE PRIJAVA

Rok za dostavljanje prijava je 15 dana od dana objave ovog Javnog poziva. Javni poziv će biti objavljen na web stranici Ministarstva trgovine, turizma i saobraćaja Tuzlanskog kantona: <http://mttstk.gov.ba/> i web stranici Vlade Tuzlanskog kantona: <http://vladat.kim.ba/>.

Smatra se da je prijava blagovremena ukoliko je zaprimljena u **Centralnoj pisarnici kantonalnih organa Tuzlanskog kantona, u ulici Fra Grge Martića br. 8, do utorka 21.10.2025. godine do 15,00 sati.**

Nepotpune, neuredne i neblagovremene prijave na ovaj Javni poziv neće se uzeti u razmatranje.

Podnosilac, koji je prijavu predao putem preporučene pošte, a čija prijava bude zaprimljena u Centralnu pisarnicu nakon utvrđenog roka, preuzima rizik neblagovremenosti i njegova prijava, kao neblagovremena, neće biti razmatrana.

9. MJESTO I NAČIN PODNOŠENJA PRIJAVA

Prijave se podnose Ministarstvu trgovine, turizma i saobraćaja Tuzlanskog kantona u zatvorenoj koverti, preporučeno putem pošte na adresu:

Ministarstvo trgovine, turizma i saobraćaja Tuzlanskog kantona,
Mije Keroševića 20
75000 Tuzla,

ili lično U Centralnu pisarnicu Vlade Tuzlanskog kantona u ulici Fra Grge Martića br.8 (preko puta Srednje medicinske škole) u Tuzli.

Na zatvorenoj koverti obavezno je navesti:

– Ne otvarati –

PRIJAVA NA JAVNI POZIV

za dodjelu sredstava za subvencije privatnim preduzećima i poduzetnicima u oblasti turizma i ugostiteljstva - podrška pokretanju vlastitog biznisa u turizmu za 2025. godinu

Na poledini zatvorene koverti obavezno je navesti: naziv, adresu i kontakt telefon podnosioca prijave (pravnog lica).

10. OSTALE ODREDBE

Ministarstvo trgovine, turizma i saobraćaja Tuzlanskog kantona ne snosi nikakve troškove podnosiocu prijave u pripremi i dostavljanju prijave po ovom Javnom pozivu. Prijava (dostavljeni zahtjev i dokumentacija) po ovom Javnom pozivu ne vraća se podnosiocu prijave.

Sva dodatna pitanja u vezi ovog Javnog poziva mogu se postaviti svakim radnim danima u terminima od 12 do 14 sati na jedan od slijedećih brojeva telefon 035/369-418 ili 035/369-486.



MINISTAR

Almir Zilić, dipl. ecc.